



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A

**22.01.2023 - 29.01.2023 - 3. domënia ia por l'ann |
domënia DLA PARORA DE DÛ**

n. 9

Speranza nōia

📖 **Is 8, 23b – 9, 3 | 1 Cor 1, 10–13.17 | Mt 4, 12–23**

Dal Vangele do San Mateo:

¹²Do che Gejù â aldì, ch'an â sciuré Jan te porjun, s'al retrat tla Galilea. ¹³Al à lascè Nàzaret, por jì a d'abitè a Cafàrnaum, che é dlungia le lêch, tl raiun de Sébulonn y de Nàftali. ¹⁴Ćiodich'al dô s'adempli, cí ch'al é gnü dit tres le profet Isaia: ¹⁵La tera de Sébulonn y la tera de Nàftali, la strada dl mer, la tera delà dal Iórdann, la Galilea pagana: ¹⁶le popul che viô tla scurité à odü na löm lominosa; a chi, che viô tl règn dl'ambria dla mort, ti él aparì na löm. ¹⁷Da dailò inant à Gejù metü man da incundé: Convertisse! Deache le règn dl cil é daimprò. (¹⁸Tratan che Gejù passâ dlungia le lêch de Galilea, àl odü dui fredesc, Scimun, nominé Pire, y so fre Andrè, ai ê dër tl sciuré fora la rëi te lêch, ćiodich'ai ê pesciadus. ¹⁹Y al ti à dit: Gnide do a mé! I fajarà fora de os pesciadus de jënt. ²⁰Atira ài lascè dailò sües rëis y ti é jüs do. ²¹Da jì inant àl odü dui d'atri fredesc, Iaco, le fi de Zebedèus, y so fre Jan; ai ê cun so pere Zebedèus te barca y arjignâ ca sües rëis. Al i à cherdè, ²²y atira ài lascè la barca y so pere y ti é jüs do a Gejù. ²³Gejù rodâ por dōta la Galilea, insignâ tles sinagoghes, incündâ le vagnele dl règn y varì tl popul dōtes les maraties y les soferënzes.)



ANTIFONA

Ćiantedi al Signur na ćiantia nōia, ćiantedi al Signur, os paîsc düc canć! Maiesté y grandëza él dan da d'ël, potënza y parüda te so santuar! (Salm 96 (95), 1.6)

📖 *Letöres dla 4. domënia ia por l'ann:*

Sof 2, 3; 3, 12–13 | 1 Cor 1, 26–31 | Mt 5, 1–12a

Edema liturgica dai 22.01. ai 29.01.2023

2023	Ora	Mëssa
3. domënia ia por l'ann domënia DLA PARORA DE DÎ 22.01.2023 <i>Vinzenz, Walter, Teodolinda</i>	8.15	S. Mëssa por families Winkler Frapes + Giovanni Clara + Maria Clara, Uniun + Edith Prousch +++ Pire, Paul y Tone Unterweger (Cajer) <i>Corona</i> 10.00 S.Mëssa a Al Plan
LÖNESC - 23.01.2023 <i>beat Heinrich Seuse, Eugen</i>		19.30 - S.M. a La Plí
MERTESC - 24.01.2023 <i>Francesch da Sales, Vera, Arno</i>	7.30	S. Mëssa + Clara Pedevilla Kircher + Milio Prada
MERCUI - 25.01.2023 <i>festa dla Converjiun de San Paul, Susanna</i>		---
JÖBIA - 26.01.2023 <i>Timoteus y Titus, Paula</i>		7.30 - S.Mëssa a Rina
VËNDRES - 27.01.2023 <i>Angela Merici, Iulian, Manfred, Rosalia</i>		7.30 - S.Mëssa a Al Plan
SABEDA - 28.01.2023 <i>Tomesch d'Aquino, Carlo le Gran, Carolina, Karin</i>		7.30 - S.Mëssa a La Plí 18.00 S.Mëssa prefestiva a Al Plan
4. domënia ia por l'ann - 29.01.2023 <i>Ujöp Freinademetz, Valerio, Gerhard</i>	8.15	Zelebrazion dla Parora <i>Corona</i> 6.30 S.Mëssa a Al Plan 8.15 S.Mëssa a Rina 10.00 S.Mëssa a La Plí

Mësses a San Martin:

Dom 9.30 Dedol 8.00 Jöb 7.30 Sab 19.30 Dom 9.30



Informaziuns y terminns

“La jënt ladina porti te mi cör” dij **la monia Ancilla Hohenegger** che é stada por 25 agn badëssa de Jeo y se confortâ vigne 3 agn do la prozesciun di ëi dla Val Badia. I podun incunté la monia **Schw. Ancilla la jöbia, ai 26 de jené, dales 19.30h a Oies** te dlijia, olache ara nes baia sura le perié. Düc y dötes é bel inviá/des da tó pert ala incuntada che é ince na bona preparaziun ala festa de nosc sant Ojöp.

Dötes y düc sëis bel inviá/des ala **presentaziun dl liber de cianties y oraziuns nü "Laldun le Signur"** cun nosc vësko Ivo Muser en sabeda ai 28 de jená 2023, dales 14:30, tla Dlijia de Badia. Le liber nü é metü adöm da chës 1000 plates sön la basa dl "Gotteslob" nü gnü fora dl 2013. Al tol ite chës 400 cianties, en gran pert ladines, dlungia ales talianes y todëscas, spo les oraziuns fundamentales dla Dlijia Catolica, i salms, les litanies, y ince na bela pert de devoziuns y oraziuns por les funziuns te dlijia y te familia (ince na pert todëscia y taliana cun oraziuns fundamentales). Lapró él 12 retrac a corusc fora dles dljies dles ploanies, ilustraziuns astrates, y dic y pinsiers te trëi lingac. Le liber ciafaran da cumpré do la presentaziun de Badia, al prisc de 20,00 Euro. Al gnará presenté plü avisa ince ploania por ploania y venü ince da ciasa a ciasa.

Festa de sant Ojöp Freinademetz - La domënia, ai 29 de jená festejëia la dlijia catolica le **De de sant Ojöp Freinademetz**. I miscionari verbic nes inviëia a recordé nosc sant a Oies cun chësc program:


sabeda, ai 28 de jená 2023

20.00h: Vëia dla festa de sant Ojöp Freinademetz: testimonianzes de fede, musiga, oraziun

domënia, ai 29 de jená 2023

Festa de sant Ojöp Freinademetz

16.00h: Mëssa solena cun nosc vësko Ivo Muser





Le **Consëi de Formaziun, cun la sënta tl Istitut Ladin**, fej le sorvisc de formaziun por le comun y por les uniuns dl comun, cun poscibilité da conzede contribuc ales uniuns che damana, aladô de criters prestabilis. Dötes les uniuns é porchël bel periades da gní cun la rapresentanza de öna o deplü porsones ala **sentada generala** en lönesc, ai 23 de jená, dales 20.00, tl Istitut Ladin a San Martin cun chësc program: Presentaziun dles ativités, lîta dl diretif nü, propostes por l'ann 2023, desvalies. Ala fin él val' da bëre y da bocolé. Ince d'atri interessá é bel inviá ala sentada.

Düc chi che vá cun l'auto é bel inviá en vëndres, ai 27/01, dales 20.00, tl salf dl Istitut Ladin a na **sëra de discusciun "Sc'i vá cun l'auto, ne bëri nia"** cun Nadia Mariucci - SERD Bornech; Max Dorfer - psicologh dl trafich; Barbara Avesani – esperta de chestiuns iuridiches sanitaes; Josef Egger - pere de na vitima sön strada. Ala fin él val' da bëre y da bocolé. Ince d'atri interessá é bel inviá ala sentada.

Cooperativa Turistica Al Plan – San Martin: Cera comunité, en chësc gnaral indô fat la bela **sfilada da Carlascé a Al Plan de Mareo**. Düc, pici y gragn, uniuns, tlasses, etc. é dër bel inviá da fá impara! S'incuntun ai 21.02.2023 dales 14.00 te plaza dan le ufize turistich d'Al Plan. Les iscriziuns vëgn tutes sò le medemo de dales 12.00 inant tl ufize turistich d'Al Plan.



Dan da 2000 agn ti é Gejú gnü personalmënter adincuntra ala jënt. Sce i orun aldedaincö ti ester daimpró, è le tru plü scëmpl chël da aldí sües parores. Tla sacra scritöra vëgn süa noela da nos, y è tres ciamó da capí. Sües paraboles passenâ tla realté dla vita da inlaota, y ince aldedaincö ne unse degun problem da capí ci che Gejú mina sce al baia dl fí pordü o dl bun samaritan: Gejú nes è tres dlungia.

	24.01.2023	Niklas - Julian
	29.01.2023	Angela Prada

Impressum:
Comunicaziuns:
Download:

Ploania Antermëia - redaziun Carlo Piazza
 cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it